

Na temelju članka 82. stavak (1) Zakona o veterinarstvu u Bosni i Hercegovini („Službeni glasnik BiH“ br. 34/02), Federalno ministarstvo poljoprivrede, vodoprivrede i šumarstva u svrhu implementacije Naputka o metodologiji određivanja minimalne frekvencije službenih veterinarskih kontrola na gazdinstvima goveda, ovaca i koza broj: 03-4-02-2-633-1/23 od 18.04.2023 godine Ureda za veterinarstvo Bosne i Hercegovine, donosi:

INSTRUKCIJU O IZRADI PLANA SLUŽBENIH KONTROLA FARMI GOVEDA, OVACA I KOZA

Članak 1. (Cilj)

Svrha Instrukcije o izradi Plana službenih kontrola farmi goveda, ovaca i koza (u daljnjem tekstu Instrukcija), je da se odredi vremenski okvir za izradu Plana službenih kontrola farmi goveda, ovaca i koza u 2023 godini (u daljnjem tekstu Plan), način izrade, dostavljanja, objedinjavanja, implementacije Plana

Članak 2. (Područje primjene)

Instrukcija je namijenjena nadležnoj kantonalnoj veterinarskoj inspekciji koje će na temelju Pravilnika o službenim kontrolama koje se provode radi verifikacije postupanja u skladu s odredbama propisa o hrani i hrani za životinje te propisa o zdravlju i dobrobiti životinja („Službeni glasnik BiH“ broj 5/13 i 62/17), Naputka o metodologiji određivanja minimalne frekvencije službenih veterinarskih kontrola na posjedima goveda, ovaca i koza, Uputstva o provođenju službenih kontrola na farmama goveda za proizvodnju mlijeka i kolostruma i objekata za preradu i obradu mlijeka i ove Instrukcije, za područje svoje mjerodavnosti vršiti planiranje, izradu i implementaciju vlastitih Planova.

Članak 3. (Obveze)

- (1) Nadležne kantonalne veterinarske inspekcije dužne su Planove izrađene sukladno članku 2. dostaviti do 10.06.2023 godine Federalnoj upravi za inspekcijske poslove – veterinarska inspekcija.
- (2) Federalnoj upravi za inspekcijske poslove – veterinarska inspekcija objediniti će svih deset Planova dostavljenih od kantonalnih uprava za inspekcijske poslove u jedan Plan za područje cijele Federacije BiH i u isti ugraditi svoj Plan revizije planova službenih kontrola nadležnih kantonalnih veterinarskih inspekcija u skladu sa člankom 164. Zakona o inspekcijama Federacije BiH („Službene novine Federacije BiH“, br. 75/14 i 19/17).

(3) Federalna uprava za inspekcijske poslove – veterinarska inspekcija objedinjeni Plan za područje cijele Federacije BiH dostaviti će ovom Ministarstvu koje će isti proslijediti Uredu za veterinarstvo Bosne i Hercegovine.

(4) Izvješće o provedenim službenim kontrolama farmi nadležna kantonalna veterinarska inspekcija dostavlja Federalnoj upravi za inspekcijske poslove – veterinarska inspekcija koja će iste objединити u jedno izvješće i dostaviti ovom Ministarstvu koje će isto proslijediti Uredu za veterinarstvo Bosne i Hercegovine.

Članak 4. (Implementacija)

(1) Implementaciju Plana nadležne kantonalne veterinarske inspekcije provoditi će sukladno odredbama Uputstva o provođenju službenih kontrola na farmama goveda za proizvodnju mlijeka i kolostruma i objekata za preradu i obradu mlijeka broj 03-1-27-47-52-21/14 od 26.11.2015 godine koju je donio Ured za veterinarstvo BiH, uz obvezno popunjavanje kontrolnih lista iz Priloga I. i II. za farme goveda.

(2) Kontrolna lista iz Priloga I i II Uputstva o provođenju službenih kontrola na farmama goveda za proizvodnju mlijeka i kolostruma i objekata za preradu i obradu mlijeka primjenjivati će se i za farme ovaca i koza.

(3) Metodologija za procjenu rizika i izračun učestalosti službenih kontrola na farmama provodi se sukladno Prilogu I Uputstva o metodologiji određivanja minimalne frekvencije službenih veterinarskih kontrola na gazdinstvima goveda, ovaca i koza.

(4) Osnovni izvor korištenih podataka za izradu Plana službenih kontrola je jedinstvena baza podataka o označenim životinjama u punom kapacitetu ili Izvještajni dio jedinstvene baze u odjeljku Statistika koji daje mogućnost prikaza svih imanja na selektiranom području.

(5) Za analizu rizika prilikom odabira farmi koje će biti predmet kontrole pod ostalim propisanim kriterijima u odnosu na namjenu životinje moguće je koristiti podatke o provedenim mjerama dijagnostičkog ispitivanja na brucelozu, tuberkulozu i enzootsku leukozu goveda kao i podatke o cijepljenju ovaca i koza protiv bruceloze.

Član 6. (Stupanje na snagu i objavljivanje)

Instrukcija stupa na snagu danom donošenja i objavljuje se na web stranici ovog Ministarstva.

Broj: 06-02/1-1041/23
Sarajevo, 16. svibanj 2023. godine

